

ÅRSMELDING 2020

JONDAL FRIVILLIGSENTRAL



INNHALD:

Helsing frå styreleiar	side 2
Styret, organisasjon og føremål	side 3-4
Aktivitetar og prosjektar	side 5-11
Administrasjon, informasjon, markedsføring	side 12-13
Ringverknadar, timeregistrering frivillig arbeid	side 13
Årsplan	side 14
Økonomi, budsjett	side 15-17
Rekneskap 2020	side 18

Helsing frå styreleiar til Årsmøte 2020.

Året 2020 vil gå inn i historia som eit spesielt år på mange områder. Det har vore eit år utanom det vanlege også for Jondal Frivilligsentral.

I framkant av Årsmøtet 2019, hadde Frivilligsentralen fått ny dagleg leiar, samstundes som landet vart stengt ned som følgje av pandemien Covid – 19. Dermed vart aktiviteten i Jondal Frivilligsentral også i stor grad stengt ned. Men smittetiltak har variert gjennom året og dermed aktiviteten. Ein har prøvd å halda ein viss aktivitet, men styret må likevel seia at ein ventar utolmodig på opning av samfunnet og at normal aktivitet kan reetablerast. Etter at nabobygget «Sentralen» vart opna av ordføraren i Ullensvang Roald Aga Haug, har aktiviteten auka. Dagleg leiar har utvikla «Sentralen» til ein lågterskel møteplass og ein bruktbuikk. Det har vore gledeleg å sjå at ein har fått eit nytt konsept i lokala når det «Gamle prosjektet» vart avslutta. Knytt til Sentralen Gjenbruk og Møteplass har dagleg leiar 20% stilling og Christine Molven er tilsett i 20% stilling. Det har vore mogleg å ha aktivitet i prosjektet gjennom 2020.

Styreleiar blei i Landsmøtet 2020 valt inn i Styret for Norges Frivilligsentral som er den sentrale organisasjonen. Dette er både ei spennande oppgåve, men også ei viktig oppgåve med å sikra innretningane til Frivilligsentralane. For styret er det alltid ei spenning ved å få ein ny dagleg leiar. Liv Bente Steiro har vore dagleg leiar i eit år og samarbeidet med styret har fungert svært godt. Styret vil takka dagleg leiar for samarbeidet og takka for vel utført jobb. Styremedlemene har samarbeidd godt og delteke både i fysiske og digitale møte. Styret er utolmodig på vegne av Jondal Frivilligsentral, for å få vidareutvikla Frivilligsentralen når samfunnet normaliserer seg.

Mvh

Olav-Magnus Hammer

Styreleiar

STYRET

Styreleiar	Olav-Magnus Hammer	Vald for 2 år	På val i 2022
Styremedlem	Mary Ann Sørheim	Vald for 2 år	På val i 2022
Styremedlem	Siri Molland	Vald for 2 år	På val i 2022
Styremedlem	Liv Spilde Espeland		På val i 2021
Styremedlem	Trond Vikane		På val i 2021
1. varamedlem	Oddveig Vetlesand		På val i 2021
2. varamedlem	Björg Galtung		På val i 2021
Valnemnd	Eva Mælen	Vald for 1 år	På val i 2021
Valnemnd	Frode Strønen	Vald for 1 år	På val i 2021
Revisor	Oddrun Flatebø Mæland	Vald for 1 år	På val i 2021

Det har vore gjennomført 6 styremøte og 34 saker er behandla.

ORGANISASJONEN

Jondal Frivilligsentral vart etablert i 2012 og har ein dagleg leiar i 60 % stilling. Sentralen er organisert som ei medlemsbasert foreining og er registrert i Frivilligregisteret. Frivilligsentralen har lokale på gateplan i Jondal sentrum. Frivilligsentralen har dei siste åra auka aktiviteten betydeleg, og har ei viktig rolle i lokalsamfunnet i det som famnar tidlegare Jondal kommune; frå Herand til Kysnes, og opp til Krossdalen mot Folgefonna.



Tidlegare leiar, Kristine Drake, gjekk over i ny stilling 1. april 2020, og Liv Bente Steiro vart då tilsett som ny dagleg leiar. Kristine gjorde ein veldig god jobb i dei 3,5 åra ho var dagleg leiar, og aktiviteten auka betrakteleg gjennom desse åra. Liv Bente er audmjuk i rolla, og ser fram til å bli kjent med både folk og oppgåver som ny leiar. Liv Bente er opprinneleg sørlending og bur i Herand saman med Golden Retriveren Vilma, som og er å treffa på kontoret av og til.

Ny dagleg leiar Liv Bente Steiro, styreleiar Olav-Magnus Hammer og avtroppande dagleg leiar Kristine Drake.

FØREMÅL

Jondal Frivilligsentral har som føremål å styrkja den frivillige innsatsen i Jondal og bygdene rundt, og å stimulera grupper og einskildpersonar til å delta i frivillig arbeid. Jondal Frivilligsentral er ein av 481 frivilligsentralar i Noreg. Eit av hovudmåla er å skapa gode møte mellom menneske, noko me fokuserer stort på her i Jondal.

VÅR ROLLE:

- Frivilligsentralen skal initiera, mobilisera og samordna frivillig aktivitet. Aktivitetane skal ein leggja opp i tråd med lokale føresetnader og behov, samt bidra til utvikling av sentralen.
- Aktivitetane skal vera eit supplement til kommunale tenester, ikkje ei erstatning for.
- Det skal bli lagt vekt på eit samspel mellom frivillige, andre aktørar og kommunen sine tenester på arenaer der eit samarbeid er naturleg og føremålstenleg.
- Frivilligsentralen arbeider difor målretta med frivillig innsats som ein kan dela i tre grupper:
 1. Lag og foreiningar
 2. Uorganiserte møteplassar og aktivitetar
 3. Einskildpersonar som ynskjer å bidra i ein ueigennyttig aktivitet, gjerne som ein velferdsaktør i tillegg til offentlege oppgåver.

VÅR FUNKSJON I JONDAL:

- Me har ein **avlastande** funksjon for lag og foreiningar i kommunen ved at me koordinerer og fasilerer ulike oppgåver og aktivitetar saman med laga. Som ein sekretærfunksjon avhjelper me dei frivillige med oppgåver som fell utanfor deira kjerneområde.
- Me har funksjon som eit **ressurssenter** for idèar og innspel til endring av tiltak, og/eller forslag om nye tiltak, anten dei kjem frå einskildpersonar eller grupper.
- Me fungerer som ein **møteplass** for menneske som ynskjer å delta i sosiale fellesskap med låg terskel av ein uforpliktande karakter.
- Me har som funksjon å vera ein **kompetanseleverandør** og inspirator til frivillig innsats. Det kan vera kurs, føredrag, tips og gode råd om alt frå A-Å av relevant stoff som gjeld administrative oppgåver for dei frivillige. Kjerneaktiviteten deira blandar me oss ikkje bortil! :-)
- Som **paraplyorganisasjon** for heile det frivillige feltet, fungerer me som ein effektiv **kommunikasjonskanal** mellom det offentlege, politikarar og sivil sektor.
- Me fungerer også som ein **partner** for ulike kommunale tenester når ein skal sjå på korleis frivillig sektor kan bidra til å løysa offentlege oppgåver og realisera politiske målsetjingar. Frivilligsentralen arbeider med integrering, psykisk helse, folkehelse generelt, trivsel og nettverksbygging, lågterskel tilbod, velferdstilbod osv.

AKTIVITETAR 2020

Velferdstilbod på Vikevollen sjukeheim

Trass strenge smittevernkrav har aktiviteten vore god på Vikevollen sjukeheim i dei periodane det har vore mogleg. Dette vert sett stor pris på av både bebuarar, leiinga og dei tilsette, og ikkje minst dei frivillige. Dei har vore sporty og stilt opp på kort varsel og under strenge smitteverntiltak, alltid med smil og varme, og hjarte for å skapa gode opplevingar for bebuarane.

- Annankvar onsdag ettermiddag er det **samlingsstund i peisestova**. Kvinne- og famielaga i Herand og Jondal deler på denne oppgåva, der det annankvar gong er bingo og song og musikk som tema. Normalt pleier laga å ha med heimebakt til desse samlingane, men på grunn av smittevern måtte dette endrast. Me gjorde då "kaffistundene" om til "samlingsstunder" og tidspunkt vart endra slik at bebuarane hadde kaffimat på avdelingane før samlingsstundene. Til trass for koronarestriksjonar har laga gjennomført totalt 9 samlingsstunder mot normalt omlag 22. 3 av samlingsstundene har vore med konsert der Lurveleven, Haldor Tuvinn og Una og Tiril Eiken har stilt opp. Ei stor takk til flinke musikarar, og dei engasjerte damene (og mennene) i Herand kvinne- og famielag v/ Berit Tuvinn og Jondal kvinne- og famielag v/Haldis Bakke.
- Kvar måndag føremiddag er det **lesestund** i peisestova på Vikevollen, noko som vert sett stor pris på. Ei stor takk til Agnes Hauge og Eli Brattabø som stiller tida si til disposisjon og gjev gode leseopplevingar til bebuarane.
- Kvar torsdag ettermiddag kjem **Frivilligkiosken** til peisestova og bebuarane vert invitert til ein hyggeleg prat og ein kioskhandel om dei ynskjer det. Tralla er fylt med sjokolade, chips, drops og andre kioskvarer. Kiosken har vore gjennomført heile 26 gonger i 2020. Ei stor takk til Else Marie Egeland, Grete Vik og Karen Oline Hammer som brukar av tida si på dette fine tiltaket.
- I mai deltok Jondal Frivilligsentral i eit samarbeid med Odda Rockeklubb, Blueslaget, Odda/Ullensvang Frivilligsentral, kulturskulen m.fl. der det i løpet av 14 dagar vart halde **utekonsertar** på institusjonar i Ullensvang kommune. I Jondal stilte Solveig Marie Huus og Tiril Eiken opp med elgitar og hardingfele og gav ein nydeleg utekonsert for bebuarane. Fanitullen på el-gitar vart godt motteke!
- Jimmy Næs var booka til å halda visekonsert utpå hausten, men dette har vorte avlyst fleire gonger grunna korona, og er no utsett til 10. mars 2021.



Solveig Marie Huus og Tiril Eiken held utekonsert på Vikevollen i mai 2020.



Haldis Bakke og Berit Tuvinn etter eit hyggeleg planleggingsmøte med pizzakos på Sentralen i desember.

Andre faste aktivitetstilbod

- **Spikkekveldar på Sentralen:** Kvar onsdag kveld møtest ein gjeng på Sentralen til prat og spikking. Dei kjem med eit trestykke, ein kniv og har eit hyggeleg lag. Det har vore gjennomført 15 spikkekveldar i 2020 med 3-7 deltakarar kvar gong. Ei stor takk til Steinar Smith og dei andre som har teke ansvar for desse kveldane.



- **Turgruppa i Jondal og Herand** arrangerer kvar veke gåturar for seniorar i nærområda. Annankvar veke er det tur i Herandsområdet og annankvar veke i Jondalsområdet. Innan korona nådde landet i mars, rakk dei 6 turar. Dei hadde deretter pause før dei starta opp att 31. august og rakk 9 turar før det igjen vart nedstenging i november 2020. Turane er lagt opp slik at dei fleste kan delta. Dei har gått alt ifrå fjellturar til bygdevandringar, og vèret stoppar dei sjeldan, så det har vore turar i øspøs regnvør og strålende sol. Ei stor takk til Grete Vik som er initiativtakar og organisator for dette tilbodet.



- **Elvastien rundt** : Kvar tysdag går ei gruppe seniorar tur i lag rundt Elvastien. Uansett vør og vind stiller dei opp og går denne fine rundturen. Dei har tilbod om å bruka Sentralen som møtestad for kaffikos etter turen.
- **Frisk Trim** har normalt 2 faste gruppetreningar kvar veke som er spesielt tilrettelagt for seniorar; ei i fleirbrukshallen i Jondal og ei i gymsalen i Herand. På grunn av korona har dette tilbodet diverre vorte svært redusert i 2020 med kun korte periodar med trening, og mange gler seg stort til dette tilbodet startar opp igjen.

Elles er det stor aktivitet og den frivillige innsatsen står sterkt i bygdene her. Dei ulike laga/organisasjonane arrangerer blant anna strikkeklubb, Ving for born frå 2. klasse, basarar, Tirsdagsklubb for seniorar i Brekke og idrettslaga har stor aktivitet og fleire tilbod.

PROSJEKTER

- **Plukkposeprosjektet**: for å inspirera born, unge og vaksne til å halda nærmiljøet reint. Plukkposen er ein "søppelpose" som kan vaskast og brukast om igjen, og meininga er å ha den med seg på tur og plukka søppel ein finn langs stiane. Den er fin å sjå på og kan og brukast som ein liten ryggsekk. Me fekk stønad frå Sparebankstiftinga Hardanger til å kjøpa inn 250 slike sekker. Alle skuleklassar og barnehageavdelingar fekk utdelt sekker i mai månad, og det var ei glede å sjå ungar på tur med plukkposen på ryggen. I løpet av 2020 har me delt ut omlag 150 plukkposar.



Fint å sjå skuleelevar på tur med Plukkposen! Målet var å skapa engasjement for klima og miljø, og elevane er gode ambassadørar for eit reint nærmiljø.

Foto: Oddrun Flatebø Mæland

Hardanger Folkeblad skrev en flott 2 siders artikkel om prosjektet.

- **Sentralen Gjenbruk:** Eit av hovudmåla til ein frivilligsentral er å skapa gode møtestader, og i Jondal har det mangla ein møtestad med låg terskel. Etter inspirasjon frå den allereie etablerte Sentralen med gratisbutikk, bruktbutikkar og andre frivilligsentralar, opna me den 14. august Sentralen Gjenbruk i Jondal sentrum. Sentralen har ope tysdagar, fredagar og laurdagar. Her er det alltid god stemning og hyggeleg prat rundt borda med vaflar og kaffi for dei som ynskjer det.



Me hadde ein fantastisk opningsdag med ordførar Roald Aga Haug som klypte snora saman med Ida Galtung og Sonja Irene Skarde. Representantar frå kommunen, journalister og bygdefolk møtte opp og ynskte oss lukke til. Sentralen Gjenbruk og Møtestad har vorte veldig godt motteke, og viser at det er eit stort behov for ein slik møtestad i Jondal. Den engasjerer bygdefolk på fleire måtar; både ved at folk kan levera varer dei ikkje treng lenger, dei kan finna seg ein ny skatt for ein billeg penge - og ikkje minst; koma innom og treffa folk.



Mødreteff med vaffelkos og livleg prat rundt bordet.



Turistar på besøk. Bjørg som er frivillig i ein bruktbutikk på sørlandet hadde gode tips å gje oss.

Oppstarten av Sentralen Gjenbruk resulterte i fleire avisartiklar i både Hordaland Folkeblad og Hardanger Folkeblad og radiointervju i Radio Folgefonn.



Liv Helga og Eirik Gulestøl, som er frivillige på Sentralen, nyt kaffi og vaflar ein mild haustdag.

Me er overvelda over responsen frå bygdefolket. Heilt utruleg kor mykje fint som vert levert, og som går vidare til nye eigarar. Me ser og at me har gjester frå heile kommunen, og frå Kvam, som tek turen innom på leit etter gjenbruks-skattar. Me har og ved fleire høve vorte invitert til å henta ting i Odda.

Overskotet frå gjenbruks-salet skal koma lokalbefolkninga til gode. Inntektene skal, forutan dei faste utgiftene som leige og straum, brukast på t.d konsertar for bebuarane på Vikevollen, pizzahygge for dei frivillige og anna utstyr og aktivitetar som er ynskt.

Omsetnaden i Sentralen Gjenbruk for 2020 var kr. 64.106,-, og det var 677 sal. Omlag 160 vaflar og kaffikoppar har vorte nytt rundt borda. Inntektene har forutan drift vorte brukt på mellom anna julegåver til dei frivillige, pizzakvelder med frivillige, innkjøp av kaffitraktar, vaffeljern, brannsløkkingsutstyr og varmepumpe.

Me har hatt ope 60 dagar og storkosar oss kvar opningsdag. Totalt har me vore 5 frivillige i haust, og fleire ynskjer å vera med når koronasituasjonen har endra seg. Ein stor takk til dei engasjerte damene som stiller av tida si på Sentralen Gjenbruk.

Ca. kvar 6 veke har me eit hyggeleg lag utanom opningstid med pizza og diskuterar og legg nye planar.

I oktober fekk me innvilga eit tilskot på heile kr. 377.200,- frå Fylkesmannen i Vestland til å vidareutvikla Sentralen Gjenbruk som ein trygg og bærekraftig møtestad. Dette tilskotet må brukast i løpet av 2021. Dagleg leiar fekk frå 1. oktober auka stillinga si med 20 % og Christine Molven vart tilsett 1.desember i 20 % stilling for å arbeida med dette prosjektet. Ein viktig oppgåve er å etablera Sentralen Gjenbruk som ein solid og bærekraftig møtestad som vil bestå utan vidare tilskot. Me har fleire gode planar for aktivitetar, som m.a. handarbeidsgrupper, spelekvelder, leksehjelp, for å samla folk i ulike aldrar. På grunn av koronasituasjonen har det vore svært vanskeleg å starta opp noko nytt, så me håpar at våren 2021 blir betre, og at det kan bli endå meir aktivitet på Sentralen. I tillegg har me fokus på velferdstilbodet på Vikevollen og har valt å dekkja utgiftene med å leggja inn straum og ferdigstillta "Snikkerboden" i hagen på Vikevollen i løpet av våren 2021.


For å kunne halde Sentralen ope på haust og vinter, vart det naudsynt med ei varmepumpe. Me valde difor å arrangera ei innsamling i september til innkjøp av varmepumpe . Brev blei sendt ut til lokale firmaer med oppfordring om å gje ei gåve til dette formålet. Lokale bedrifter og privatpersonar gav 2950,-. Ein stor takk til Acos Invest AS, Fonn Kontorservice AS, Folgefonn Entreprenør AS og Coop Jondal som gav eit godt tilbod på innkjøp og installasjon.

ANDRE AKTIVITETER OG ARRANGEMENT

- **Bamsejakt i Ullensvang i mars 2020**

Eit fantastisk privat initiativ der folk vart oppfordra til å setja bamsar i vindauga for å motivera og spreia turglede i ei tung nedstengingstid. Jondal Frivilligsentral vart med i prosjektet saman med Odda/Ullensvang Frivilligsentral der me organiserte utdeling av klippekort og ordna med premiar. Dette skapte svært god respons og søte bamsar kikka ut av vindaug i heile kommunen. Folk la ut bilete under taggen #bamsejaktiullensvang

Bamse i vindaug til Jondal Frivilligsentral



- **Flaggjakt i mai 2020**



Etter suksessen med Bamsejakt, vart det gjennomført "Flaggjakt" i dagane fram mot 17. mai. Dette skapte og engasjement blant både born og unge. Dette vart eit samarbeid med Odda/Ullensvang Frivilligsentral og matbutikkane i kommunen. Stor takk til Spar og Coop i Jondal for fine premiar!

I ei tid med korona og inga offentleg 17.mai feiring vart dette ein måte å skapa litt stemning og aktivitet.

- **Verdas Eldredag** vart arrangert 1. oktober med eit veldig fint arrangement på Iris Scene i Odda i regi av Pensjonisforbundet i Odda/Tyssedal. Jondal har ikkje lenger eit aktivt Pensjonistlag, og det er noko ein bør arbeida med å få i gong igjen. Dagleg leiar, Liv Bente, var til stades og informerte litt om situasjonen i Jondal. Diverre var det lita deltaking frå gamle Jondal kommune.

- **Verdsdagen for Psykisk Helse** 10.oktober hadde i år temaet #spørmer, og Jondal Frivilligsentral hadde fokus på dette heile denne veka på Sentralen Gjenbruk. På sjølve dagen var det gratis vaflar til alle og hyggeleg prat rundt borda. Refleksar, knipehjarte og anna promoteringsmateriell vart delt ut.



Frivillig på Sentralen, Aud Else, og dagleg leiar, Liv Bente, kledd i t-shirts med markering av Verdsdagen for Psykisk Helse og kampanjen #spørmer.

- **Sosialt for dei frivillige:** Me har hatt 4 pizzakvelder med utdeling av juleblom til damene i Frivilligskiosken, kvinne- og familielaga og dei frivillige på Sentralen.
- **Frivillige ved vaksining:** I oktober fekk Jondal Frivilligsentral førespurnad frå Jondal legekantor om å stilla med frivillige under influensavaksininga som føregjekk på Jondal Skule. Fire personar stilte opp som vakter og veiledarar.
- **Frivillige til praktisk hjelp:** Det har vore få førespurnadar om praktisk hjelp. Dette er ei teneste me ynskjer å få meir fokus på framover.
- **Fylgjeteneste:** Det har vore 3 førespurnadar om fylgje til ulike tenester, som blei gjennomført vellukka.
- **Turvenn:** I vår fremja Vikevollen sjukeheim ynskje om turvenner til bebuarar på Vikevollen. Diverre vart det ikkje så god respons på dette, og JFS kunne ikkje bidra med frivillige til dette. Ellers er det ein del private turvenner i området som går faste turar uavhengig av JFS.
- **Datahjelp:** Kvar tysdag frå 10-12 er folk velkomne innom kontoret for å få litt datahjelp av dagleg leiar. Dette tilbodet har vore lite nytta.
- **Dagsturhytte:** I mars hadde JFS møte med kultur og idrettssjef Else Marie Sandal vedr. bygging av dagsturhytte i Jondal. Det blei vidare arrangert nettmøte og bygdefolk blei oppfordra til å komme med innspel om kor hytta skulle plasserast.

ADMINISTRASJON

Nettverket Hardanger Voss: Jondal Frivilligsentral er med i eit nettverk med andre Frivilligsentralar; Nabobeina FS på Voss, Grannahjelpa FS i Kvam, Vaksdal FS og Odda/Ullensvang FS.

Det er Norges Frivilligsentralar som har delt alle Frivilligsentralar inn i nettverk, kor føremålet er å inspirera og motivera kvarandre til utvikling og auka forståing for den sektoren me tilhøyrer. Ved å informera om ulike tiltak me tilbyr, lytta til gode og dårlege erfaringar, drøfta nye tilskotsordningar og så vidare, blir me stadig litt betre. Me har og ei lukka Facebookgruppe for nettverket slik at me ope kan diskutera med kvarandre. Liv Bente har fungert som nettverksleiar. Dette samarbeidet er ein stor motivasjonsfaktor for dagleg leiar.

Me har hatt jamlege møte heile året, og grunna korona har dei fleste møta vore arrangert digitalt. I august hadde me eit fysisk møte i Kvam. Sidsel i Grannahjelpa inviterte til besøk i deira lokale, og deretter lunsj på Hardanger Fjord Hotell i Øystese. Ein veldig inspirerende dag.

Den store happeninga “**Frivillighetskonferansen**” arrangert av nettverket skulle fyrst vore arrangert på Hardangerfjord Hotell i april, men blei pga korona avlyst og utsett til september. Alt var klart for ein flott og innhaldsrik dag for frivilligheita med m.a Davy Vatne som føredragshaldar, interessante diskusjonstema, lunsj m.m. Diverre måtte den avlysast i siste liten pga smitteutbrot i regionen.

Dagleg leiar begynte i oktober på utdanninga “**Frivillighetskoordinering innen Eldreomsorgen**” gjennom Verdighetssenteret. Pga koronasituasjonen blei utdanninga lagt opp som eit nettbasert studie. Utdanninga har 3 bolkar med 3 undervisningsdagar i kvar bolk. Utdanninga vert avslutta med innlevering av prosjektoppgåve 15. mars 2021. Valt prosjekt er “Sentralen Gjenbruk og Møtestad”. Dette har vore svært nyttig og lærerikt for dagleg leiar. Utdanninga er tatt i arbeidstida.

Dagleg leiar har ellers delteke på fleire kurs, konferansar og webinar som er relevante for stillinga. Mellom anna har Norges Frivilligsentralar faste kurs kvar tysdag i bruken av Invi systemet.

INFORMASJON OG MARKNADSFØRING

Me brukar Facebook til å informera om aktivitetar og til å formidla annan relevant informasjon. I tillegg heng me opp plakatar i Jondal og Herand for å nå flest mogleg. Sentralen Gjenbruk har fått ei eiga Facebookside og instagramkonto som blir brukt for å promotera både nye varer, aktivitetar og anna informasjon.

Jondal Frivilligsentral har si eiga nettside www.jondal.frivilligsentral.no gjennom Norges Frivilligsentral sin plattform “Invi”. Her blir nyheitssaker lagt ut, og den blir og brukt for å fremja aktivitetar og søkja etter frivillige til ulike tiltak. Invi er og eit viktig arbeidsverktøy for dagleg leiar.

Dagleg leiar har ved fleire anledningar stilt til intervju om aktuelle saker i Radio Folgeforn, samt og fleire avisartiklar i lokalavisene.

RINGVERKNADSANALYSE

Det er registrert 65 lag og foreningar i det som tidlegare var Jondal kommune. Med 1100 innbyggjarar betyr det at fleire er involverte i meir enn eitt lag. Og nokon engasjerer seg meir enn andre! Kvar gong det blir halde eit arrangement i regi av eit lag, er det stor mobilisering av familie, vener og naboar. Dei fleste innbyggjarane er før eller sidan involvert som frivillig på ein eller annan måte. Det er umogleg å tenkja seg livet i bygdene her utan all denne lagsaktiviteten!

Talet på aktivitetar desse 65 lag og foreningar arrangerer i løpet av eit kalenderår er uvisst. Men det er lett å forstå at det dreiar seg om fleire tusen tilstellingar. Den økonomiske ringverknaden for det lokale næringslivet i form av auka etterspurnad og omsetning er ikkje talfesta. Men butikkane, overnattingsplasser, ferja med fleire, nyt godt av at laga så hyppig held opne arrangement. Sameleis kjem omdøme-bygginga av kommunen inn som ein ringverknad. Jo fleire turistar/tilreisande som kjem til kommunen, og som får eit positivt inntrykk, jo større blir spreinga av det gode omdømet. Dette kan tenkjast å føra til ytterlegare auka omsetning for det lokale næringslivet, for etterspurnaden etter hytter, for auka busetjing m.m.

Helsegevinsten ved å delta i frivillig arbeid, og bidra av tida si og overskot til noko ueigennyttig, er stor. I fylgje fleire stortingsproposisjonar og forskingsrapportar blir det påpeikt at fysisk aktivitet, sosiale nettverk, verdien av å bidra, bli sett og bekrefta, er helsefremjande og kan førebyggja dårleg helse, einsemd og depresjon. Me kan ikkje dokumentera dette med tal for vår kommune, men me trur på det. Trivsel, tryggleik og fysisk aktivitet i møte mellom menneske er modellen me jobbar etter!

Einskildpersonar i lokalsamfunnet har brukt heile 987 timar av deira fritid på aktivitetar!

Timeregistrering frivillige 2020						
TILTAK		ANT. GONGER	ANT. FRIVILLIGE	ANT. FRIVILLIGE PR. OPPDRAG	ANT. TIMER	SUM TIMER
Velferdstilbud						
	Kaffistund	9	10	4	3	108
	Lesestund	25	2	2	2	100
	Frivilligkiosk	26	3	1	1,5	39
	Basar, konsertar, diverse	1	2	2	2	4
	Møter	3	10	2	2	12
Aktivitetstilbod	Spikkekveldar	15	1	2	2	60
	Turgrupper	15	2	3	2	90
	Følgetjeneste	3	1	1	2	6
Samfunn og lokalmiljø	Sentralen div.arbeid	5	2	5	2	50
	Sentralen Gjenbruk	60	6	2	4	480
	Vaksinering	1	4	4	8	32
	Fylgjeteneste	3	1	1	2	6
	TOTALT	65		7	9	987

ÅRSPLAN 2021 JONDAL FRIVILLIGSENTRAL

Aktivitetar til vaksne og seniorar:

- Spikkekveidar Sentralen Gjenbruk
- Turgruppa Jondal - Herand: turar kvar veke i nærområdet
- Frisk Trim Jondal, i samarbeid med helsekoordinatoren
- Elvastien, drive av uorganiserte frivillige
- Datahjelp på kontoret til JFS kvar tysdag.
- Etablering av ulike tiltak som felles lunsj m.m.
- Arrangera felles seniormiddagar

Velferdstilbod på Vikevollen:

- Samlingstund annankvar onsdag med bingo, song og musikk. Innleige av musikarar.
- Frivilligkiosken kvar torsdag
- Lesestund kvar måndag
- Oppgradering av "Snikkarboden" (Prosjekt Sentralen)
- Byggja vidare på samarbeid om ulike ynskja aktivitetar

Integrering og inkludering:

- Arrangera Internasjonal matfestival
- Språkhjelp, ein til ein
- Fokus på aktivitet for denne gruppa på Sentralen Gjenbruk

Samfunn og lokalmiljø:

- Markera ulike dagar med stand utanfor Sentralen med kaffi og vaflar.
- Verdsdagen for psykisk helse i oktober
- Eldredagen
- Frivillighetens dag

Kompetansehevande tiltak til lag, foreiningar og frivillige:

- Laga til kurs og samling for dei ulike laga dersom behov
- Arrangera Fagdag for frivillige som blei avlyst i 2020

Barn og unge:

- Ha meir fokus på denne gruppa generelt og det å skapa gode møte mellom generasjonar. Eit mål er å etablera lekse/lese hjelp.

Administrasjon:

- Årsmøtet 2020 Torsdag 25. mars 2021.
- Faste nettverksmøtar gjennom året
- Auka samarbeidet med Odda/Ullensvang FS og arbeid med strategiplan for frivillighet i Ullensvang Kommune.
- 6 Styremøtar gjennom året
- Deltaking på ulike relevante konferansar.

Kommunikasjon:

- Facebook og instagram
- Vidareutvikla nettsida vår www.jondal.frivilligsentral.no

Sentralen - gjenbruk:

- Engasjera fleire frivillige
- Ope 3 dagar pr.veke som gjenbruksbutikk.
- Arrangera ulike handarbeidskveldar, kurs m.m på Sentralen
- Samarbeid med andre gjenbruksbutikker i området for erfaring.
- Få personar med arbeidsrestevne, eller bevegelseshemming i arbeid hos oss, særlig på Sentralen Gjenbruk.

ØKONOMI

Statleg og kommunalt tilskot til drift 2020:	415.000,00
Statleg tilskot via momsrefusjon	41.818,00
Statleg tilskot via grasrotmidlar	1.383,97

Totale tilskot til drift:	<u>458.201,97</u>
----------------------------------	--------------------------

Tilskot frå Helsedirektoratet til Prosjekt Sentralen/ tiltak for å motverka einsemd	377.200,00
Gåver til Prosjekt Sentralen	4.369,00
Inntekter frå gjenbrukssal Prosjekt Sentralen	64.106,83

Totale tilskot/inntekter prosjekt	<u>445.675,83</u>
--	--------------------------

<u>TOTALE INNTEKTER</u>	<u>903.877,73</u>
--------------------------------	--------------------------

BUDSJETT 2021 JONDAL FRIVILLIGSENTRAL DRIFT

Budsjett Jondal Frivilligsentral 2021 drift	
INNTEKTER:	2021
Tippemidler	1500
Momskompensasjon	48000
Overført overskudd fra året før	48700
Tilskot Statlige tilskot + Ullensvang kommune	437000
TOTALE INNTEKTER	535200
UTGIFTER LØNN:	
Lønn til daglig leiar	300000
Arbeidsgiveravgift 10,6%	31800
Arb.avg av feriepengar	3244
Forsikring ansatte	2500
Tenestepensjon	7500
TOTALE UTGIFTER LØNN	345044
UTGIFTER DRIFT:	
Leie lokaler	60000
Regnskapshonorar	20000
Rekvisita (kopiering, plakater etc)	10000
Møtemat + kaffe + diverse	10000
Telefon, abonnement lçenet	4000
Annonsering, reklame	10000
Reiseutg, bilgodt,	6000
Innkjøp ny pc og mobil	0
Bank og kortgebyr	1600
TOTALE UTGIFTER DRIFT	121600
Utgifter til diverse prosjekt	60000
Utgifter til IKT investeringer	
TOTALE UTGIFTER	526644
RENTEINNTKTER	1000
ÅRSRESULTAT	8556

BUDSJETT PROSJEKT "SENTRALEN GJENBRUK OG MØTESTAD"

BUDSJETT PROSJEKT "SENTRALEN GJENBRUK OG MØTESTAD"	
INNTEKTER:	
Estimert gjenbrukssal	140000
Tilskot prosjekt 2020-2021 *	283373
SUM INNTEKTER	423373
UTGIFTER:	
Lønn prosjektstilling 40% inkl. avg	220000
Leige lokale	15000
Straum	15000
Aviser	5000
Innkjøp for servering	12000
Oppgradering "Snikkerboden" m.m Vikevollen	30000
Møblering m.m	10000
Trykksaker og anna reklamematriell	10000
Diverse aktivitet/tiltak/innkjøp i hht. søknadsformålet*	100000
SUM UTGIFTER	417000
RESULTAT 2021	6373
* Totalt tilskot frå Fylkesmannen var 377.200 som skal brukast i perioden 1.10.20 - 31.12.21. Tilskotet er til prosjektet "Sentralen Gjenbruk og Møtestad" og har som mål å motvirke einsemd gjennom å skapa gode møtestader. Me har vald at ein del av tilskotet går til å oppgradere snikkerboden på Vikevollen. I tillegg vil ein del gå til hyggeleg aktivitet for dei frivillige og deltakarar, som t.d pizzakveldar, kurs, underhaldning, julebord m.m.	

Resultatrekneskap

	Note	2020	2019
DRIFTSINNTEKTER OG DRIFTSKOSTNADER			
Driftsinntekter			
Salsinntekt		64 107	27 935
Anna driftsinntekt	1	556 398	630 260
Sum driftsinntekter		620 505	658 195
Driftskostnader			
Varekostnad		15 890	1 060
Lønnskostnad		369 407	419 467
Annan driftskostnad		190 331	224 950
Sum driftskostnader		575 627	645 477
DRIFTSRESULTAT		44 877	12 718
FINANSINNTEKTER OG FINANSKOSTNADER			
Finansinntekter			
Anna renteinntekt		2 777	2 210
Anna finansinntekt		1 122	0
Sum finansinntekter		3 899	2 210
Finanskostnader			
Annan rentekostnad		1	52
Sum finanskostnader		1	52
NETTO FINANSPOSTAR		3 898	2 158
ORDINÆRT RES. FØR SKATTEKOSTNAD		48 775	14 876
Skattekostnad på ordinært resultat		0	0
ORDINÆRT RESULTAT		48 775	14 876
ÅRSRESULTAT		48 775	14 876
OVERF. OG DISPONERINGAR			
Overføringar annan eigenkapital		48 775	14 876
SUM OVERF. OG DISP.		48 775	14 876

Balanse pr. 31.12.2020

	Note	31.12.2020	31.12.2019
EIGEDLAR			
ANLEGGSMIDDEL			
Finansielle anleggsmiddel			
Andre langsiktige fordringar		4 500	4 500
Sum finansielle anleggsmiddel		4 500	4 500
SUM ANLEGGSMIDDEL		4 500	4 500
OMLØPSMIDDEL			
Fordringar			
Kundefordringar		0	12 000
Andre kortsiktige fordringar		6 644	5 000
Sum fordringar		6 644	17 000
Bankinnskot, kontantar o.l.		611 530	295 092
SUM OMLØPSMIDDEL		618 174	312 092
SUM EIGEDLAR		622 674	316 592
 EIGENKAPITAL OG GJELD			
EIGENKAPITAL			
Opptent eigenkapital			
Annan eigenkapital		275 767	226 992
Sum opptent eigenkapital		275 767	226 992
SUM EIGENKAPITAL		275 767	226 992
GJELD			
KORTSIKTIG GJELD			
Leverandørgjeld		762	4 404
Skuldig offentlege avgifter		30 920	23 480
Anna kortsiktig gjeld		315 225	61 716
SUM KORTSIKTIG GJELD		346 907	89 601
SUM GJELD		346 907	89 601
SUM EIGENKAPITAL OG GJELD		622 674	316 592

Underskrifter